



Ina cumpagnia empernaivla: Las anteriuras presidentas ed ils anteriurs presidents dal cussegl grond ier tar l'inscunter a Cuira.

FOTO G. N. STGIER

# Adina in inscunter empernaivel

## Entupada dals anteriurs presidents dal cussegl grond

■ (anr/gns) Dapi 22 onns s'inscuntran ils anteriurs presidents e las anteriuras presidentas mintga dus onns durant ina sessiun dal parlament chantunal. Iniziant da quel inscunter è stà Christian Jost, il deputà da Tavau, ch'è stà exact avant 30 onns il pli «aut» Grischun. Da preschent è Not Carl, l'antieriur deputà da Scuol, quel che segna per

l'organisaziun da l'entupada da las dunnas e dals umens ch'èn stads per in onn a la testa dal parlament chantunal. Not Carl ha presidià il cussegl grond l'onn 1994. Ier èn trais anteriuras presidentas dal cussegl grond e 17 anteriurs presidents da quel gremi s'entupads per visitar il parlament grischun e sissur per in genstar cuminaivel cun represchentants da la

regenza, cun ils presidents da las fracziuns e natiralmain cun *Elita Florin-Caluori*, l'actuala presidenta dal cussegl grond. Dals 210 presidents dal cussegl grond ch'il chantun Grischun ha gi fin oz èn anc 28 en vita. Il pli vegl da quels è cun 87 onns *Piero Stanga* da Roveredo ch'è stà il 1980 president dal cussegl grond.